

四庫全書

集部

欽定四庫全書

青谿漫稿卷四

明 倪岳 撰

七言律詩

甲申元日奉天殿早朝

漏咽銅龍斗已橫
儀鸞仗簇近朱甍
九光燈下千官影
五鳳樓前萬歲聲
浩浩君恩沾海宇
熙熙王氣擁神京
微臣何幸瞻天表
願結丹心答聖明

藥園幽趣為四明醫士馮半軒

狂客芳園何處尋
半軒東去暮雲深
雨餘修竹春多澁
月到零榆夜有陰
昌歎盆池森綠玉
菊花籬落爛黃金
眼前藥物皆成趣
却笑廬山只杏林

遊西山詩

答謝鳴治

鳴治以無騎不果行詩以送別因賦以答與時雍同居故詩及之

玉堂深幸一官閒
曾許山行並錦鞍
禹錫自應先致約
玄暉何事惜追歡
地靈無恙重遊易
宦路多岐一會難

試問匆匆百年內好山能得幾同看

出城

太平時節好閒行侵曉聯鑣出帝城涼露拂衣雞唱早
香塵擁面馬蹄輕佳山秀水如迎客烟柳鶯花儘弄晴
勝地不常人易老莫教碌碌過平生

遊玉泉華嚴寺

門外寒流浸碧虛玉泉山上老僧居芙蓉雲瑣前朝殿
耶律詩存古洞書曲澗正當虹飲處好山相對雨晴初

笑攀石磴臨高頂浩蕩天風襲翠裾

晚回

登臨興倦欲忘還歸到重城半掩關
仰見明星環北極回看爽氣滿西山
空過白日應何補老向紅塵總是閒
我遂清遊皆帝力願將丹悃謝天顏

和鳴治別後有懷韻

春山窈窕帶春城公暇追遊逐伴行
幽壑雨晴泉響近隔林風細鳥飛輕
經過不盡山中寺歸去空題石上名

獨羨謝家芳草句，鏘然猶自向人鳴。

奚元啓復中乙榜詩以慰之

鏡裏流年四十過，獨憐猶自困儒科。
功名有分嗟塗漆，歲月無情感逝波。
天上風雲初志在，眼中朱紫故人多。
臨歧莫苦傷懷抱，梁灝名成鬢已皤。

雨結愁雲曉未收，仲宣乘醉強登樓。
天涯又作三年別，客裏那禁兩鬢秋。
宦迹真成蕉下鹿，鄉心應逐海中鷗。
相逢莫笑儒官冷，絕勝青衫汗漫遊。

送董壽卿吉士赴南京戶部

清高自是玉堂仙
拜命驚看去日邊
身屬地曹官六十
心違天陛路三千
半山亭館閉春雨
六代臺城鎖暮烟
同宦更逢摩詰在
思鄉懷古共依然

送程熙同知汀州

拜命榮看佐一州
平沙南去路悠悠
蠻烟曉入鄞江合
瘴雨晴分贛水流
五馬秩崇新貳守
專城任重古諸侯
郡齋正對雙清閣
雪月霜風謾倡酬

郡有雙清閣

丁亥元宵前三日宿院中分得金字

四海昇平逢令節百寮休暇荷綸音
畫橋遊客看行馬玉署閒官笑盞簪
花滿樓臺春簇簇月明燈火夜沉沉
不眠更盡今宵話共惜流光抵萬金

元宵會鳴治宅大雪得催字

玉堂風雪坐崔嵬款段衝寒入夜回
鯨海有塵飛弱絮熬峰無地着疎梅
雲深不礙燒燈去春早何煩擊鼓催
却笑儒官貧到骨也來相對一銜盃

新春感事

烽火邊城鼓角悲，黃沙漠漠北風吹。
關山遠隔雲中戍，車馬新屯霸上師。
賈誼有才思報國，杜陵多病尚憂時。
侍臣誰有如椽筆，擬撰燕然第二碑。

賞李景信東軒瑞香花次韻

淡抹輕粧弄晚晴，花開簇簇影亭亭。
天培仙骨呈清瑞，風吐龍涎出素馨。
碧笋攢雲初破蕊，紫茸含露正當庭。
怪來詩思清如水，吟倚闌干醉眼醒。

臨到開時日正陽倚風渾似舞霓裳十年不見江南種
三月驚看薊北芳穠艷未容誇國色高標應許占春光
日長相對如佳客絕勝紅粧詠海棠

曲闌日上影玲瓏香氣薰人亦自融滿室春風回綺席
一簾晴霧散雕櫳花攢淡白團圞密葉簇輕青點綴工
好是羽衣歌舞罷天仙清倚廣寒宮

送周德源南還兼柬沈仲律

相看未久還相別把袂臨歧不可留正是驪駒驚客思

更禁燕子說鄉愁
雲開潞水青
冥杳雨過鍾山紫
翠浮到處定應逢
沈約春城無事好同遊

錦袍著處帶春暉
家住南都信有依
鄉里更無同榜在
衣冠獨與故人違
天涯已作三年別
江上徒聞一棹歸
報國無能親舍遠
送君空有夢魂飛

四月八日遊西山道中有作呈奚元啓

匹馬行春到郭西
遠山無數暮烟迷
林間已覺飛花少
風外還看落絮低
宿麥帶黃應半熟
新蒲抽綠未全齊

舊遊又是三年別此日重來取次題

醉歸漫成二章

遠尋幽境過湖西入眼雲烟萬樹迷水到中流驚地迴
山臨絕頂覺天低殘花點徑紅猶在新竹過墻翠欲齊
醉裏已忘身是客興來那惜一分題

相携同出鳳城西沉醉歸來路欲迷馬蹴香塵風轉急
鳥啼深樹日初低耳邊已覺泉聲遠眼底空憐草色齊
分手殷勤重寄語明朝還擬續新題

端午會孟陽宅分得石榴

五月薰風送晚涼
海榴成子日初長
參差半向花間出
錯落偏宜葉底藏
紅玉暈肌空賦色
驪珠充腹半含漿
遙知歲暮重來賞
醉裡須分一顆嘗

同寅章德懋黃仲昭莊孔易以言事去職為之
太息書此自示不寄三人

悠悠往事不堪論
默默窮愁淚暗吞
敢向明時傷遠謫
獨憐壯志付空言
楚人但識湘閭去
漢室誰知汲黯存

愧我同官未同事端居真已負君恩

戊子新春日寄上谷諸舊遊

故人底事久無書塞徼天高雁影疎寂歷冰霜驚歲晚
芳菲風日又春初幾迴常見百年內千里相思一夢餘
却憶舊時詩社客于今賡倡復何如

雪中憶張亨父次賓之韻復用韻寫懷

坐看初雪轉霏微已覺尖寒到客衣歲事半於愁裡過
鄉心全在夢中歸經秋寥落慵開卷長日蕭條靜掩扉

却怪故人音信絕海天空闊雁來稀

曉色侵人已細微早寒真欲詠無衣蕭蕭病葉驚風墮
冉冉昏鴉帶雪歸卓筆且從臨草韻提壺誰為款柴扉
故人多在經年別歲晚方嗟聚晤稀

聞捷後值雪喜而有作二首用韻東賓之

西征烽火照金微東望兵戈動鐵衣一道渠魁皆手縛
三邊酋長定心歸馬肥塞草空鳴柝犬卧山村不掩扉
從此軍中知小范平胡歌頌未容稀

近猶簌簌遠全微半欲隨風半點衣
沴氣定從今日去
凱歌偏與一時歸朝回客舍初分火
睡起隣家尚擁扉
可信春來農事早豐年三白故應稀

曉發張家灣

以下歸省之作

一別家園二十秋寧親今日始歸舟
笳聲半欲衝風起
帆影遙應逐浪浮官裏故人情眷眷
天涯游子夢悠悠
鍾山何許三千里望入白雲天際頭

晚泊天津望海有作

船窓南望路漫漫一曲滄洲俯碧湍
水國雲深帆影斷海門天濶雁聲寒
離憂未信江湖遠醉眼全驚島嶼寬
回首帝京三百里不勝清夢繞長安

過南旺湖望蒙嶧諸山

十里青湖一棹通夾堤榆柳受東風
漁人出沒菰蒲裏客子謳吟烟雨
中東望龜蒙餘魯甸西來鳬繹闕秦宮
寒窓寂寂空懷古此日經遊嘆轉蓬

過淮陰

寥落城西謁舊祠
王孫踪跡正堪悲
功名過眼應誰惜
籌策驚人祇自疑
走狗雖亡秦鹿在
牝雞未死漢雛危
傷心欲問淮陰水
隴樹蕭蕭沒斷碑

至龍江關望京

一江晴漲風烟合
萬里春山紫翠浮
虎踞龍蟠皆舊跡
雨香雲淡足新遊
扁舟且為留行色
尊酒憑將洗別愁
二十年前曾着眼
不知猶識舊吾不

謁先母夫人墓

青山鬱鬱隱佳城一上新亭百感生口澤荒涼空在眼
淚痕零落正吞聲斑衣竟失當年養錦誥虛違此日榮
再拜松楸心寸折不勝遺恨負生成

送陳員外致仕歸吳

已喜相逢在帝鄉忽聞相別意淒涼彈冠早負心如水
解組才驚鬢未霜千里有懷憐去住百年無計感行藏
祇須預卜林間地聊與重開見一堂

吳中風月曾遊地江上衣冠正別時一曲離愁尊酒劇

五更歸夢片帆遲，輞川佳興新成畫。工部生涯舊有詩，
執手臨岐空慰藉。北山芳草動遐思。

遊無錫小嵩山僧寺

山寺閒遊未許違，雪晴臺殿望中微。歸田學士元能賦，
入定高僧久息機。塵外烟霞行漸近，林間車馬到應稀。
我來不盡登臨興，把酒長歌對落暉。

次錢學士先生韻

嵩阜雲深日下遲，登臨隨處一支頤。樓臺久占山中勝，
松竹偏呈雪後奇。欲上鰲峰猶駐足，忽聞蓮社已攢眉。

相逢莫道勞塵鞅有約來尋王版師

右山行之作

僧房深靜絕浮埃今日山靈笑獨來天際羣峰擎雪重
林間一徑倚雲開孤吟愧我非佳句清倡憐君總俊才

忽聽笳聲驚日暮天風吹送馬蹄回

右次東園楊守倫韻

余自杭省墓回道過錫峰磚橋錢氏諸昆玉
邀遊嵩山禪刹此刹建置未百年而林木蒼
鬱山水縈帶真一佳境諸縉紳游者皆有佳
製主僧輯而成帙出以見示因遂掇拾一二

以復時同遊沂州貳守王敏行瓊山司訓盛
仲規士人楊守倫吳與平錢氏孟津孟溥孟
潤洎其賢子姓云成化己丑十二月二十三日

登濟寧太白樓

樓在城南門上

五月既望余歸省還朝適會劉地官世美于
濟寧畢水部廷珍所以舊同寅之故拉遊城
南太白樓瞻拜遺容不勝企仰因成一律徧
呈同遊諸君子聊紀勝遊非敢為作者道也

一上孤城意已秋
謫仙狂客舊風流
雅宜庾亮三更月
不獨元龍百尺樓
天影漸看雲影逼
山光長共水光浮
何如喚起文章伯
相與賡酬一醉留

贈奚元啓二首用賓之韻

元啓病中失走問

何處尋君一叩關
春風談笑正忘還
客邊已是經年別
病後渾非此日閒
老去宦情依北斗
晚來吟趣對西山
也應莫怪經過少
尊酒相逢足解顏

門巷蕭條晝不關
故園迢遞夢中還
一年風景又如此

百歲光陰皆等閒，愧我春愁濃似酒。
憐君詩骨瘦如山，微官久負匡時術。
飽食能無獨厚顏。

壬辰齋居和程克勤韻

冰雪蕭蕭接禁城，高寒偏稱玉堂清。
烏啼別院驚風色，樹影空堦碎月明。
吟倚青氍憐獨倦，坐燒紅燭笑頻更。
夜闌已及南郊罷，忽報銅龍第四聲。

送錢塘徐子久南還

鄉進士時用之子以乃祖尚書恩將入太學

南州孺子西湖客，雛鳳曾驚五色奇。
今日雲霄仍解后，

九天風露獨歲莖壯遊已逐飛鵬遠歸路翻嫌去鷁遲
後夜錢唐江上月蕭然何處照相思

送惠州陳教授

海南初夜見文星瘴雨蠻烟亦謾經十載宦途雙鬢白
半肩行李一氍青龍門水落鄉心遠虎阜雲歸客夢醒
却喜坡仙行樂地松風長滿舊時亭

輓呆齋閣老先生

玉堂黃閣掖垣東三十年來宦業同拜相已憐君實病

談經猶憶鄭玄工乾坤闔闢圖書在日月昭明奏䟽通
回首門牆成悵望椒漿欲奠恨無窮

送張狀元昇謁告還南城

一夜西風吹客衣朝來忽報狀元歸香浮秋水青尊老
影落寒江白雁飛去路帆檣移暮雨到家橋梓聳晴暉
詞垣故舊應相憶早擬回翔上帝畿

八月十四風雨之夕病中望舍弟消息不至悵
然有懷

西風門巷掩深幽一卧兼旬倦出遊江上行舟猶渺渺
窓前落葉更悠悠新寒未慰相如病舊雨仍增宋玉愁
明日陰晴知未卜有無詩酒對中秋

晴洲為程司馬題

松蘿山名練湖王
几峯皆旁地也

主人結屋依晴洲松蘿深處林塘幽練湖水落石齒齒
玉峯雨過雲悠悠清潭白沙遠相帶浴鷺飛鳬還自由
君恩未許却歸去空向夢中懷舊遊

遊西山圓靜寺晶菴限韻一首

半山晴雪護禪菴門外長堤到水南
隔歲踈篁猶个个倚雲危磴自三三
清風送我來瑤島垂柳隨人墮碧潭
莫笑躋攀凌絕頂登臨高興固能堪

遊玉泉洞限韻一首

壁間有詩云洞口堯花春
不管山中芳草夜如何之

句乃金
人之作

誰鑿青山一竅空春寒深瑣夕陽中
平臨北極無塵到近接西湖有路通
窟底雲雷生白日窓間松柏下清風
舊題磨滅猶堪認芳草桃花沒斷蓬

登功德寺新閣限韻一首

憑虛高閣不勝寒，乘醉來登更倚闌。
十里湖光通几席，八窗雲影上衣冠。
荒臺漫惜千金業，羸馬聊陪一日歡。
極目天南馳遠眺，催歸無那夕陽殘。

玉泉限韻一首

西山深處俯流淙，亂石清泉自擊撞。
鐵馬嘶風驚客枕，玉虹拖雨過禪窓。
臨谿正愛紅亭一，逆浪時看白鳥雙。
萬斛塵襟渾似洗，酒酣應使寸心降。

西湖限韻一首

望盡西山十里湖，平洲縹緲水縈紆。
潛腥久識魚龍近，倒影長憐島嶼孤。
落日微風吹白浪，深春細雨出青蒲。
經過幾度懷遺跡，百尺荒臺草半蕪。

新喻易乾剛自遼陽歸傳曰川求詩贈之

涼入京塵暑氣微，樓船南下客初歸。
柳條不受離情綰，詩卷猶煩急手揮。
遼海雲開孤鶴起，楚江霜落片鴻飛。
故人無限雲霄意，尊酒相看又夕暉。

送徐禮知保安州

西北山城護一州使君出守羨才猷
玉關人去風初冷紫塞書回雁已秋
村塢蒼茫禾黍合邊烽寂寞鼓鼙收
詩成翻怪多離思極目雞鳴感舊遊

送韓府楊教授學士尹先生表弟

王國才名起薦書鄒陽年少拜新除
談經自信非調瑟擁佩還聞勝曳裾
江路樓船楓葉老都門尊酒菊花疎
詞林學士題詩別明日看雲思有餘

奉命進學內館和李賓之詩韻二首

久看清秩重周行總慰羣英萃一堂
跡厠詞林元瑣瑣行迷學海尚茫茫
唐人已勒中興頌漢史仍傳急就章
豈有雄才陪載筆聞宣常近殿東廊

簞羽深憐白鷺行迂疎如我亦升堂
清臨華蓋真叨竊近接瀛洲豈杳茫
擬向圖書探月窟却驚奎壁煥天章
儲才更荷君恩重早見綸音下廟廊

青谿漫稿卷四

欽定四庫全書

青谿漫稿卷五

明 倪岳 撰

七言律詩

甲午齋居答明仲用韻見憶之作

暖風一夜入新年聚散頻驚歲月遷
無分可陪三日話有懷空亂五更眠
西壇寂寞春盤共東閣稀疎曉佩聯
忽接郵筒知寄我故人高興正連篇

送李立之復任南京太常少卿

舊遊何許慰揚舲二月江南柳半青
雙鳳暫勞辭魏闕一夔元合在虞廷
尋春謾過長干寺擇勝重開晚節亭

天路回翔知不遠便依北斗待文星

李舊在南寺有亭號晚節

廷試執事和程克勤詩韻

春城過雨曉陰屯聖主臨軒禮數尊
龍見在田文正顯鳳飛近日語偏溫
宮壺疊賜來東閣內鏹分頒下北門
何幸非才陪盛典深慚無補亦沾恩

掄才有詔屬儒林浩蕩恩光仰照臨坐近殿門天不遠
歸迂輦道日將沉羣公奏卷瞻宸翰多士登名悅聖心
明日衣冠同入賀擬從仙仗候鑾音

送別沈仲威鄉友赴南京兵部

沈約才華錦繡曾宦遊此去樂從容珠還合浦元歸蚌
劍落延津已化龍客路鶯花憐共別家山松菊慰相逢
鄉心欲與征帆速把手臨岐意萬重

春日書懷

東風一夜送微暄春意先應入故園歸夢遠經桃葉渡
賞心長憶杏花村中宵步月空搔首高閣看雲欲斷魂
久竊微官無寸補十年徒爾負晨昏

雨中夜坐有感

兀兀西齋夜不眠秋聲如雨到窓前兩京地迥逾千里
一別心愁已六年報國才疎空自愧還家夢遠更誰憐
高堂未卜供調膳誤却青谿負郭田

秋風秋雨晚來多便覺新涼次第過淅淅未堪欺檻竹

蕭蕭更與上池荷空階不逐蛩聲斷孤枕其如客夢何
我亦有懷成獨坐為誰呼酒一高歌

次鳴治卧病不赴齋居之作

方澤圓丘祀禮兼十年侍從幸同瞻屬車晝下雙飛鳳
前纛春題五色籤天上徐聞韶九奏日高重報鼓三嚴
詞臣誰獻相如賦獨有池塘草色添

駕部張員外汝弼以寒不及出餞賦詩見謂遂

用韻二首一以贈沈一以答張

月落盧溝客渡河，狐裘驄馬曉寒多。
重來會接郎官舄，此去應留刺史鞞。
酌別情深渾不醉，紀行詩好更須哦。
河汾舊地餘桃李，一道春風定若何。

時仲律提調學政

休文一別隔關河，況復城東路不多。
興到肯迴高士棹，醉歸懶脫謫仙鞞。
空勞折簡逢人寄，不及揮毫對客哦。
獨擁寒爐成底事，定從灰裡撥陰何。

時雪始霽故汝有可憐東郭先生

履不及西清學士鞞之句
一時和章甚富亦一奇也

贈寧國重興住持宗上人

寂寂孤園著老僧無塵心境已如冰何須同社招元亮
却恐前身是惠能到處林泉堪卓錫一時衣鉢可傳燈
問渠玉版師如健容我來參最上乘

觀新修運河贈總戎平江陳公

成化丙申六月總戎平江陳公䟽導城東運
河將畢工爰諏吉日大發運舟上抵京庾京
師之人聞而驚喜奔走聚觀者以億萬計誠
一時之盛舉而國家無窮之利也昔人有言

今世之舉事者雖其甚小而欲成之者常不
過數人欲壞之者常不可勝數可成之功常
難形不可成之狀常先見古之人有犯其至
難而圖其至遠者彼獨何術也若斯河者自
勝國時郭太史疏鑿之後幾二百年其流不
涸其迹具存特以久不行舟稍稍壅塞不治
而已方大司徒關西先生建議之初有識稱
快而喜為異議者紛然以起牢不可破殊不

知其為力非難而為利甚遠者則莫或能思
何也今日之舉先生建議如此之堅總戎奏
功如此之速則皆本乎聖明不惑羣言委任
而責成之之所致也噫天下之事若此者衆
矣議論多而成功少者何限夫安得皆若斯
河之底績乎於是忭躍之餘謹成小詩二章
迎勞河澣以致區區之意云

百里官河一棹通力排羣議仰宸衷關西夫子能謀國

聞外將軍特奏功役籍豈勞都水監旌書須下大明宮
題詩聊志儒生喜紀載還歸太史公

漕河勲望說恭襄赫赫諸孫更有光岸鑿舊堤青障闊

水通新牖玉虹長一時浮議嗟方定千載榮名信不忘

昨日城東人似堵爭看萬斛上龍驤

運舟以十五日抵大通橋明日遣大

臣錫
資馬

輓宣府錢永義

國初歸附從征甚有功號大黃旗先鋒然不及一官而卒

少年百戰起從龍李廣功高惜未封青鏡可憐驚客鬢

黃旗猶見記軍容
荒原雲冷埋秋劍
古塞風寒泣暮松
總慰諸孫忠義在
家聲端不愧先鋒

賓之用去歲齋居詩韻見寄和答一首

塵事紛紛日夕無
芝眉經歲失清瞻
病懷已喜春回律
詩興渾忘夜轉籤
敵壘無才常自屈
騷壇有令為誰嚴
畫蛇剛被旁人笑
蹇拙何須足屢添

時予因賓之病中以詩戒其作詩果月

餘不舉筆聞齋居賡和乃破戒作此
有詩戒十分嚴之句故答詩亦云

篁墩為程克勤賦

新安之程世居篁墩黃巢之亂改為黃墩以避禍至克勤

乃考諸譜誌
復舊名云

十畝新篁翠色屯依然還是舊家墩浮名豈惜隨時改
直節元知自古存一代清風重有主千年遺澤又生孫
已除蕪穢供遊樂不異晴洲斷石村

晴洲其父司馬公
別號斷石其所居

之地也

送陸武儀南還分韻得端字

鼎儀之兄

千里作客非所難十年相逢懷舊歡君家兄弟聯趙壁
吾輩交遊紉楚蘭五更河渚舟楫迫六月都門風雨寒

鵲原何許憶回首季方高步青雲端

賀陳師召得孫二首次聯句韻

可是居官長子孫相逢一笑對琴樽
新題不厭長題壁
熟客何妨屢過門
豈待一占知跨竈
更期三索遇為閭
人生樂事無過此
細向君家醉裏論

海東喬木見根芽
葉葉清風滿故家
千載未須論玉樹
一枝端合比璚花
遠懷頭角時時變
盛德衣冠字字誇
白日龍蛇行素壁
風流先說李西涯

聯句賓之大書于壁

送劉珂副史再任閩臬

直指東南慰一方重來猶是舊劉郎
隨車久說三山雨攬轡新驚五夜霜
流水遶谿榕葉暗瘴烟分嶺桂花香
都門秋晚相望遠憲節飄飄逐雁行

寓齋為畫士陳啓先賦

丹青隨處寫烟霞旅泊蕭然閱歲華
日月有天因可附乾坤無地不為家
計如鳩拙愁鳴鵲身似籐延恥繫瓜
自信去留非定着擬從星渚借靈槎

留別院中諸同年先生

惆悵搏沙思不勝人間聚散信無憑
論心久說三生石繫日空懷百尺繩
會裡新編詩酒債榜中舊業弟兄稱
江東雲樹知相憶為報春澌早破冰

戊戌元日早朝和蕭黃門文明詩韻

雪霽天高列宿稀重城春色漸霏微
珮聲多在蒼龍闕仗影徐分綵鳳旂
漢輦初移迎日上虞韶迭奏遏雲飛
侍臣誰擅揚雄賦驚見新詞出瑣闥

二月二日與諸親友別後道中偶成

時上丁齋戒送者皆

不携酒故得早發云

都門風色漸柔和，祖道紛然散玉珂。
祇為清齋忘劇飲，不禁離思發高歌。
乾坤此日君恩重，江海長年客夢多。
去住有懷憐共切，臨歧心緒復如何？

泊河西務與楊郎中克敬同年夜話

荒村疎柳帶斜陽，纔入河西感異鄉。
鼙鼓聲中心激烈，舳艫影裏夢飛揚。
十年客路嗟重到，千里家山耿不忘。

賴有故人楊水部燈前相對話行藏

天津阻雪

飛雲撒空若奔馬迴風掀河成急湍天低已驚晝欲暝
雪落陡覺春猶寒舟人簑笠正懷柳羈客鞭鐙仍憐韓
推篷翹首騁遐矚萬里瓊瑤真壯觀

風雪泊滄洲

州守張縉已丑所
取士留酌久之

鯨川雲暗雨霏霏又見寒風捲雪飛尊酒重勞留客住
樓船直解阻人歸使君情話燈前久游子鄉書雁後稀

北闕天高南國遠倚蓬一望兩依依

過濟寧有懷舊游

已丑歸省嘗與畢水部遊南樓有作

憶上高樓醉玉餅十年重此晝揚舲人間空說詩為聖
天上真傳酒有星黃祖尚憎鸚鵡賦玉環宜愧牡丹亭
南遷不死非無幸留得才名滿汗青

新草

新草如茵散不收綠楊陰裏大堤頭村村早食爭挑菜
處處春耕樂飯牛刺眼尚看荊棘茂多情偏憶蕙蘭幽

可憐此夜池塘夢一寸心藏萬種愁

清明之夕泊舟夾溝驛風雨大作達旦不寐有

作

蕭然客路過清明四野陰雲白晝生五夜雷霆聲霹靂
半天風電勢縱橫狂濤倒捲龜鼉泣高柳平摧鸛雀驚
舟楫無憑鄉夢遠可憐歌枕待雞鳴

九月朔下廟謁祭因有豫作登高之約歸次偶

成

時雨至
暮始霽

一門忠孝古難全
節義如公史有編
浮議不妨輕瓦石
流風自足重山川
碑銘細刻三千字
瑩兆新捐十萬錢
仰止遺容堪再拜
精英何許尚森然

風雨秋涼欲滿城
廟門簫鼓達羣情
不忘後舉千年祀
兼許先酬九日盟
山色正高宜對菊
蟬螯初美試持觥
因逢佳景懷遺烈
可勝尋常載酒行

道院因山占此丘
孤亭元屬晉西州
悠然自古多遐思
偶爾于今得勝遊
雲暗卞祠松葉老
雨香陶徑菊花秋

憑闌不盡登臨興目盡長江萬里流

己亥齋居日越在南都有懷院中諸先生

玉署清齋夜似年紫薇冠珮集羣仙
歸鴻欲墮孤飛翼鳴鳳誰傳五噫篇
歲月愁多霜鬢短江湖身遠寸心懸
不堪風雪青谿上一棹天涯興渺然

送冢宰錢先生致仕歸淞

東殿傳經蚤有聲南曹解組晚猶榮
翰林舊學推諸老吏部新銜冠列卿
恩錫龍函歸興好名留鰲禁宦游成

高風直並吳淞水長得餘波及後生

哭內八首

恒菴之亡忽逾旬朔豈徒失此佳相寔則隕
我良友撫事興悲曷云已已爰累遺行總為
八詩言止於斯情其有極時一諷詠少紓哀
悵冥漠有知庶鑒微臆耳

結髮相從二十年懷君遺行轉淒然孝輕刲股心元切

壬辰外父卧病京邸
危甚君刲股療之

義重持身志獨堅

君自幼不輕出
閨門始終如一

不移素守膠木久推閨壺化君撫衆妾極有恩義天桃常誦室家賢君睦

族宜家心慕古哲傷心太史渾無奈珍重銘文手自編

長憶書齋把卷時每聆清論解人頤予每坐書室君嘗在側考問疑義多

所辯論少君已有推高行淑女應無愧此詩畫紙餘情仍

對局君善奕揮毫佳興正臨池君好書于今夜雨青燈外無

限窮愁祇自知

怪底年來遠別離不堪南北動遐思燈前空墮無窮淚

篋裡猶存絕妙詞去歲予奏計至京為別者四月方罹大故後家費已罄君支持極勞每技

淚作書寄余
道其所以

乞米但教廚有粥

時每有在陳之厄君檢
隱忍以充家衆之食

方非為市無醫

君苦心成疾獨檢方市藥以自療因
予不在卒不令醫診視其簡重如此

安

貧忍病嗟誰及一任時人死後疑

人不知者至死猶疑
其有厚蓄不能散云

鶴骨清癯可奈何半生歲月病中過

君肌體素
弱且多病

淚珠緣

別傷心久

去歲別後久
病甚自驚危

頭雪因愁入眼多

兩年偶生
白髮數莖

曉

閣青鸞悲掩鏡天機紫鳳憶停梭繡帷寂寞秋風老驚

見薰香舊綺羅

長恨孤踪客帝州歸來心事轉多愁

君念予久未得
嗣心甚懸切

珠

生老蚌元難料

君忽自有孕喜出望外

劍化神龍豈易留春色已

隨萱草暮晚香空對菊花秋懷中掌上惟珍護他日劬

勞或可酬

瀛海仙遊擁翠軒可憐夢斷已無言

君卒之日夢海神邀燕及暮而卒不

及一言痛哉

三年飽歷今生苦

君從余二十年惟今歸省送終理家甚苦心力

千古

難明此日冤夜壑移舟空自恨煖田生王共誰論淒涼

一掬傷心淚不及狂歌對鼓盆

高城寒漏正迢迢太息吟冤黯欲銷海上龍孫空有夢

君比年頻夢為海龍王
第三子每邀其去不果

人間鳳侶故難招東風枉報春

消息苦雨生憎夜寂寥千載誰憐生死別手携稚子却

還朝

恨壓雙眉百感增生平偕老竟無憑圖書空對春風筆

書篋中君手書尚多

簾幙深愁夜雨燈落金瓶沉翠綆泠泠瑤

瑟斷朱繩嗟予命蹇憐君薄永訣心知兩不勝

得楊氏妹書問訊亡妻計發書時沒已四日矣

感之復成二律

天地無情不可呼乾坤此日倍愁吾衣分金剪秋初冷

卒之前一日猶手燈盡銀缸夜已徂卒之夕漏下一鼓矣千里誰

憐予妹遠

與吾妹友愛甚篤思念無間然

百年空恨汝親孤

外父六旬止生一女

那知故篋詩題在猶說中林返哺烏

君遺詩中多思親之作

可從王母筵仙班寂寂深閨盡日開禱疾每懷瞻北斗

先君疾君每禱北辰以請命

祈年長記祝南山

每先君壽旦恒茹齋以祈壽算志酬

終養應無愧

長為予言此歸得少盡力送終事不為徒行也

心慰全歸竟不還

欲候佩聲明月裏爭知天上與人間

和汝行敏登雨花臺韻

醉遊同步雨花臺笑口何妨對酒開
天地無窮人易老江山如此我須來
聞經不療維摩病得句終慚杜甫才
紅日滿山歸路晚文星早已燭三台

和景章登臺韻

絕頂憑虛試一登夕陽風景

闕

增高宜太史占雲地

遠勝文王避雨陵十里好花春擁座
半空明月夜燃燈悠然遐眺悲陳迹
渺渺江流宛似澠

登雨花臺

千山暮色漸熹微
臺草如茵尚可依
落日下從江水浴
斷霞直共塞鴻飛
登高望遠且為樂
弄月吟風甘息機
北望嚴城無十步
殷勤幽鳥莫催歸

同遊嘉福道院

松筠深護萬重山
不道仙源亦易攀
丹已成霜呼犬試
劍初驅雨化龍還
飛來白鶴仍開地
養得青羊欲度關
今日相過真偶爾
幾時無逕可重刪

登兜率岩走筆次沈僉憲仲律韻


祇今誰似孟韓豪
西華能登此未勞
十里松筠蒼雪亂
半空鐘磬白雲高
來游客似乘鰲背
入定僧如坐鳥巢
我有一尊君可醉
臨池清影若為搔

重九日泊舟廣陵蕭然孤悶有懷早弟因次其贈
別詩韻二首以寄

天涯離思正逢秋
一別生增兩地愁
極目松楸懷故國
傷心風雨坐孤舟
家聲如此深相託
世路茫然尚可憂

今日登高誰與共相思惟有泪交流

幾年奔走愧功名猶悔蹉跎百未成滿望鵲原承世業
早從鳳嶺樂餘生清秋對雨難為別白晝看雲倍愴情
寄與卯君宜更勉頻傳書札慰坡兄



青谿漫稿卷五

欽定四庫全書

集部

青谿漫稿卷八

六至

詳校官編修

臣

李光棟

中書

臣

劉源溥覆勘

總校官庶吉士

臣

何思鈞

校對官中書

臣

范鏊

謄錄監生

臣

朱錫彤

欽定四庫全書

青谿漫稿卷六

明倪岳撰

七言律詩

樂清軒十律為鄉友沙士清

心遠從知地自偏
美人池館故悠然
須煩能畫王摩詰
更著耽詩李謫仙
門近市廛堪買酒
屋臨谿水正通船
閒居適興遊仍樂
却羨年來事事便

獨把行踪混草萊年年圖得見花開
高山流水從調弄
明月清風共往來一箇長松三徑菊
幾竿修竹半窓梅
尋幽只合詩人到愛聽清吟對酒盃

垂肩短髮晚蕭蕭惟有琴樽伴寂寥
隱君舊愛子午谷
詩客今居丁卯橋山中白屋真成趣
天上青雲不可招
高卧日長非為懶出門十步即塵囂

晚歲襟懷何所憑一塵聊自老金陵
柴門斜對青山疊
茅屋平連綠樹層釣艇漁竿忘世客
薰爐茗盃在家僧

却憐塵海炎炎者應笑吾廬冷似冰

風流長憶鹿門龐窈窕丘園俯翠涼鶴唳九臯松滿徑
鳳翔千仞竹當窓鄴侯家富牙籤萬亞父謀疎玉斗雙
懷古不勝仍對酒醉歌聊使壯心降

移來安樂舊行窩長日寧容俗客過自有尊壘娛北海
可無詞賦繼東坡虹光夜拂青萍劍藻思時翻白雪歌
落盡碧桃春不管滿庭芳草意如何

潦倒何煩禮法拘蕭然山澤可勝癯半稜新月明琪樹

一段寒冰貯玉壺詩社有人時送草縣門無吏不催租
床頭酒熟知誰共若箇隣翁不費呼

環堵無營寂似禪百年高興付新編謝公可解龐公樂
博望其如魯望賢聲色抵湏汙耳目功名端合讓林泉
君看白首為郎者猶自殷勤事草玄

笑彈長鋏看吳鉤醉裏都忘歲月流野馬隔窓空滾滾
海鷗近席自悠悠夢魂不到蒼龍闕杖屨長過白鷺洲
閒向楸枰論勝負從教一局便封侯

廊廟江湖兩不關，休休聊博此生閒。
花繁東閣迎風折，竹過西牆帶雨刪。
塵夢不飛應似水，吟肩孤聳好如山。
一官我愧匡時術，回首因君幾厚顏。

次郁景章韻

時同遊牛首山

老僧方丈本蕭條，地占東南景自饒。
天際孤巖藏暮靄，雲間雙塔倚晴霄。
石潭過雨魚龍躍，松徑經春燕雀驕。
盡日流連忘却醉，東風送晚酒初銷。

讀史有感

夕陽渡口覓同舟老大誰懷漆室憂千載
秦龍仍得計一時屠狗竟封侯
自緣有欲因能致可信無功亦見收
却恨衰遲愁把卷長江西望水悠悠

輓汪庶子伯諧父母

其父澄任御史閩
寇事發坐累被刑

束却青羶出泮林一鞭驄馬氣駸駸
潢池誰遣驚濤起閩海真成瘴霧深
武穆有冤皆切齒王裒無淚不傷心
神遊只在風雲表時聽中天彩鳳吟

一喪移天三十春心驚家難止清貧
囊中自幸無珠玉

膝下真憐有鳳麟長憶萱庭稱壽竿重看楓陛予恩綸
白頭已遂同歸願十里湖山隴樹新

送閣老商先生休致歸嚴

補作

聖主恩深太宰還親承優詔下天闕重來正作三朝相
蚤退仍登一品班鼎和鹽梅元濟世雲成霖雨却歸山
丈夫出處應如此不在嚴陵一釣間

錢鏞中書父受封還杭

西湖老人湖上來九重入覲天光迴鳳雛九苞日邊翥

龍文五色雲中開承恩已慰沾浩蕩覽勝自許凌崔嵬
西湖酒香歸去早昨日河船笳鼓催

西湖圖卷為宣府范元博題

十里春波十里堤綠楊紅杏望中迷酒船常作西湖醉
詩卷新從上谷攜水面樓臺朝起蜃橋邊村落夜聞雞
天涯回首方如夢贏得逢人一品題

分韻得分字送丁鳳儀秋官南還兼柬沈仲律

官燭踈簾坐校文力完趙璧始憐君乾坤信有三生合

江漢真成兩地分
南省持平人似玉
東城贈別騎如雲
宦遊無得家山樂
孤鳳翩然百鳥羣

故人何許惜離羣
望盡天涯隔暮雲
秋晚風帆隨路便
夜寒霜潦入江分
京華塵土仍憐客
鄉國衣冠却羨君
獨有秦淮橋上月
清光長憶沈休文

會餞蔣宗誼侍御赴南臺即席次留別韻

嘗為杭州

推官
故云

兩袖天香出帝都
又看新綠上春蕪
晴雲古道青驄遠

曉日高岡彩鳳孤北海才名重南國東坡政譽滿西湖
老成不負臺端選畫錦如君更有無

文明蕭黃門謫貴州有詩寄京中諸友因次韻
以復

地比長沙知更僻萬山深處晝長昏憐君遠道傳詩句
愧我臨岐失贈言夷險不妨身總健乾坤無負道猶存
官閒尚有囊中粟感激寧同一飯恩

恭祀獻裕二陵和答明仲贈別詩韻

齋廬坐久析聲稀百辟趨蹌謁寢幃祀典實非千古並
儒臣已是八年違四山雲氣長依樹五夜霜華欲滿衣
共指昌平認歸路寒城燈火望中微

甲辰出宿神樂

月華星彩滿瑤壇雪後風微夜不寒十里旌旗千帳列
兩街燈火萬人看迴廊有徑齋廬遠大地無塵輦路寬
二十年來瞻盛禮始從簪紱候鳴鑾

初以學士陪祀

丙午陪祀南郊

星分虎帳護行宮
烟合龍香燭上穹
九奏簫韶燈影下
三嚴鐘鼓月明中
精禋夜格諸壇肅
和氣春回四海融
共仰祝釐昭聖德
擬從周雅頌年豐

丁未慶成侍燕

五昨筵開仰聖顏
從臣叨列殿東班
雲開黼宸韶音動
雪映鑾墀扇影閒
醉浥流霞傾北海
歌傳湛露祝南山
掖垣散步東風裏
携得天香兩袖還

楊志醫士貯春卷

白玉橋東迥絕塵小軒深貯十分春
藥闌雨足參苓茂
花徑風恬杞菊新
刁約未歸仍有塢
蘇耽如在豈無隣
滿懷拍拍皆生意
何用懸壺寄此身

送沙縣訓導邵驥

福建副使宏譽先生之姪

閩南憲節舊冰銜
宦路相仍見阿咸
鶚薦幾時驚捧檄
鵬搏今日快揚帆
一羶風味元無改
三禮家聲迥不凡
歌罷菁莪人已遠
劍津何處隱龍函

芳池春水

英國張公家園八景之一

芳池一曲接銀河分得天家雨露多
新漲受風牽翠縠
好山隨月墮青螺
百年蘋藻沾餘澤
三月魚龍湧漫波
猶記臨流泛春酌
倚闌同和濯纓歌

次賓之韻賀遷新居

綠槐庭院畫渠渠
總謂新堂勝舊廬
素壁初留王宰畫
華籤久貯鄴侯書
古人一室有真樂
老我三年無定居
苦欲從君仍憚遠
夕陽門巷早將車

和經故居

乾坤何處兩芒屨萍梗此身雙鬢華水西草堂故無恙
城南主人重有家往日過門還駐馬新年買地別栽花
去住相忘即為樂蘭亭元自右軍誇

賀羅明仲得家報生孫

家書夜到急張燈喜報蘭芽一葉增偶爾竟煩詩紀夢
蘄然終擬壽為朋人間鶴骨真無價天上鵷雛信有憑
已辦含飴娛綵服鄉心遙轉轆轤繩

送李應禎中舍赴南京車駕分得朝字

城東送別馬蕭蕭楊柳春風白玉橋離合不堪仍此地
陰晴何必問明朝江南宦業將家近薊北交情入夢遙
萬里碧雲孤鳳翥翩然欲去覓難招

五月二十又二日蒙賜鮮品自是時魚梅笋之
類皆叨預焉感激有作

中使傳呼賜予仍小臣何幸亦親承潤分異果皆沾露
寒沁嘉魚尚帶冰擎出九天從玉署貢來千里自金陵
深懷兩世遭逢地圖報非才感愧增

先公任學士
日亦嘗蒙賜

癸卯七月望前二日謁陵道中喜晴一首

馬嘶秋苑燕飛輕
遠道忘疲客思清
苦潦狂塵非舊路
好風佳日正新晴
四山紫霧千尋合
萬頃黃雲一望平
天意已酬憂國願
豐年禾黍屬西成

宿昌平劉諫議新祠

下馬來尋諫議祠
一龕初自學東移
英風合並乾坤久
義舉宜令遠近知
興廢有因憐舊事
往來無補費新詩
臨風再誦匡時策
古道何人繼色絲

再題陳氏西園卷

秋山黯淡樹高低知有人家在水西翠竹繞門斜帶郭
綠楊匝徑暗通谿乾坤不礙閒中樂風月全歸醉後題
燒筍烹魚堪大嚼一尊時復待君攜

孟冬時享齋宿院中和韻答克勤賓之二同年
天街霜露感秋冬齋署衣冠候鼓鐘觀闕珠旗紅日擁
廟宮翠箔彩雲重隊分壁壘疑無象舞協簫韶信有容
同向班行陪盛禮敢忘衰薄慶遭逢

玉署沉沉隱畫牆柳陰深覆御溝傍鈎陳天近通三接
奎壁星明共一堂地迴自驚塵土隔雲深翻覺路歧長
叨參此會元非偶二十年餘白鷺行

甲辰正元奉命南郊看牲

漏轉重城夜不扃兩街高炬燭青冥影連貔虎塵隨路
香拂犧牲月滿庭已信卜郊嗤魯史却看在滌重周經
明朝復命紅雲殿鵠立金門候曙星

戚畹雪亭孫揮使祖瑩八景其一曰鶴唳長松

求題限韻一首

雙巢白鶴萬松青，點染真堪入畫屏。
聲落九臯驚宿露，夢回三島拂晨星。
徂徠地近應無恙，琥珀年深更有靈。
怪底仙禽棲息穩，佳城剛占鳳凰形。

五月十一日王世賞侍講西園晚酌即席限韻
一首

花底清颺醒醉顏，城頭落照尚忘還。
便須觴詠從今日，未必林泉勝此間。
綠醕浮春傾北海，翠屏宜晚對西山。

心驚遠道青驄騎夢入中垣白鷺班

雨中獨坐有感寄內叔盧廷弼

感舊懷鄉共寂寥天涯歸思欲飄飄
猶憐建業橋頭路曾赴長干寺裏招
尊酒有時仍夜雨扁舟何日正春潮
相逢肯惜通宵話明月遲遲玉漏遙

送沈時易少叅赴閩藩專理礦事

旬宣一路惜分攜天路霜風送馬蹄
過浙有山皆置治入閩無水不通谿
梅花香冷吟情健榕葉陰濃望眼迷

聞說征徭應到骨好施霖雨向羣黎

歲暮禱雪致齋東李西涯學士

幾年齋署隔西東三宿重憐此地同寒逼寢屏新館靜

塵籠詩壁舊堂空鶴棲珠樹驚秋露鳳翥丹山下晚風

却愧蒹葭成倚玉一緘猶自往來通

初同年齊室聯句在壁間且二十年

矣此皆宿西朝房今以進秩學士始復同宿院署

冬至謁陵和吳原博韻五首

行龍迤邐下紅門勝槩真稱地勢坤白日塵沙行處少

紫垣星斗望中尊
千年古木疑無路
百里平疇別有村
西接太行東到海
羣峯羅列萬牛奔

翼翼顛厓接斷岡
山城風景倍荒涼
露根宿麥猶無雪
帶葉生柴尚有霜
坐畏擁爐冬正暖
困便欹枕夜初長

學宮

闕

頻來客門外青襟立雁行

沙河水合石橋危
並轡憐予一騎追
思陟畏途還自重
恐尋覆轍漫成嗤
傳巖舟楫寧非地
鄭國輿梁定是誰
回首丹青方炫爛
路人指點梵王祠

潑紙雲烟掃不開
齋房稠疊見詩來
豐年正擬稱多黍
盛世真堪詠有萊
短草夜深羸馬齧
高柯月上乳烏哀
行囊剩有珠璣在
錯落人驚出蚌胎

路繞谿湍定幾灣
坦夷纔過即孱顏
一時直欲乘風去
五夜應須戴月還
寒王亂鳴谿下水
晚屏斜對畫中山
一年兩度歌行役
誰道閒官盡日閒

祀歸限韻二首

殘月初高霜滿林
熹微曙色散輕陰
城留拒馬風雲壯

廟隱棲烏歲月深
令尹官閒民十里
廣文齋冷樹千尋
自憐此地經行熟
冉冉流光感寸心

歸途風日總熙然
聯騎仍逢閬苑仙
陵祀有嚴分祭歲
山呼無計預朝天
葭灰已應初陽律
雲氣應占大有年
却憶西人懷拯濟
匡時何策繼唐賢

謁劉諫議祠再用元博韻二首

欲將忠義動君門
一語迴乾更轉坤
志在生前真大屈
道於身後却長尊
山中好惜甘棠樹
河上誰憐獨柳村

宦海悠悠渺無際
頽波千里尚狂奔

泮宮西畔野城灣
一拜高風一厚顏
砥柱不隨流水去
浮名真作片雲還
當時多士驚鳴鳳
此日斯文仰太山
何物斯文漸盡久
芳祠長對夕陽閒

謁狄公祠一首

城西親拜狄公祠
袍笏森然仰令儀
此地孤雲心尚在
中天落日手曾支
平生事業存唐史
一代文章託范碑
聞道邑民能報德
春風香火重追思

歲暮失子應麟孤悶中和時數妹丈除夕韻以
自慰云

孤悶仍驚值歲除却憐時叙強為娛麒麟自信非凡種
鸞鵲終期得俊雛漫憶功名垂竹帛且看驩笑貼桃符
壯懷落落知何似百事無成一老夫

愁懷聊藉酒驅除潦倒翻成一笑娛正惜年光蛇赴壑
漸看春思燕將雛山中猿鶴非無意夢裡熊羆會有符
自恨一身遭兩悞聰明何必勝愚夫

孟春奉陪廟享紀事而作

祠殿森嚴楯陛重雍歌初徹燎烟濃虞周典禮千年合
文武衣冠百辟從日影漸移高閣漏露華猶拂御街松
却瞻天仗東風裏冉冉霓旌導六龍

經筵講退和侍講焦孟陽韻

時講春秋

慶雲流彩日曈曈經幄重開禮亦隆師相雁行紆帶白
詞臣鵠立擁袍紅縱橫已勝三千字褒貶先歸十二公
却羨伯強真侍講每攄忠懇動宸聰

分獻四瀆禮成有作

丙午正月

金榜高懸白石宮巍巍遙占地南東祠分聖主壇墳外
禮合諸侯玉帛中源出名山流自獨潤沾新雨澤皆同
小臣裸獻慚無補擬竭微誠祝歲豐

十月十九日蒙恩授禮部右侍郎具疏辭以晚
不及達明日陞謝又明日視事于南宮有作
寄諸同年

恩綽煌煌下紫宸濫竽何幸及儒臣回瞻東閣星辰迥

遙接南宮雨露新自信官階叨此地敢忘家學繼前人
非才每慶遭逢久猶是龍飛第一春

二十三年廁玉堂執經曾忝侍明光新銜又逐青雲伴
舊侶深懷白鷺行豈謂長嘶思故櫪却看遠翥在高岡
可能麗澤仍相及得遂寅清答聖皇

青谿漫稿卷六

欽定四庫全書

青谿漫稿卷七

明倪岳撰

七言律詩

京師十景圖詩

誰築高臺勢半傾，昔人猶慕好賢名。
天於白日自今古，士與黃金隨重輕。
返照又無飛鳥沒，殘霞時傍斷虹明。
蕭蕭易水知何地，登眺惟深感慨情。

金臺夕照

移得三山小朶峰春深長見暖雲封勢憑天闕無高下
影落人寰有淡濃翠律一拳疑踞虎繽紛五色想從龍
須知歲歲為霖雨四海神功自九重

瓊島春雲

舊雨年來已罷飛新春深綠護林霏千家遠樹連民塢
十里重門接帝畿佳氣凌空疑縹緲輕雲籠日正熹微
紛紛車馬朝天路芳潤猶驚暗濕衣

薊門烟樹

池頭新漲湧盤渦宿雨初增太液波明月有時沉寶鏡
好山終夕蘸青螺自緣江漢朝宗近恠得魚龍變化多

萬頃汪洋涵帝澤不須天上挽銀河

太液晴波

曾探山罅汲深清一曲泉流玉色明
偃蹇虹霓雲外影
琤琮環佩月中聲
飛空疑欲成
朝雨漾日從教報晚晴
東接天潢知不遠
萬年長繞鳳凰城

玉泉垂虹

都城王氣接居庸
晴黛氤氲入望濃
峭壁倚雲籠
翡翠顛厓過
雨出芙蓉
爭奇突起三千尺
設險平凌百二重
北盡龍沙東到海
祇應萬里屬提封

居庸疊翠

琪花入夜舞纖纖
曉日西山萬象兼
晃漾不分瓊島路

參差微露玉峯尖，虛疑凍合芙蓉殿。便覺寒生翡翠簾，
何處可人閒拄笏。乾坤一色動遐瞻。西山霽雪

桑乾洶湧到蘆溝，分得黃河一派流。波影疑從天上落，
曙光應傍月中浮。千山玉竦晴初見，五夜銀蟾曉未收。
人語雞聲迷遠近，帝城西畔古橋頭。蘆溝曉月

周郊一望大田東，布穀聲中雨滿空。宿霧未收方杳緲，
陰雲漸合轉溟濛。乾坤不惜栽培力，畝畝全資潤澤功。
為想秋成登萬寶，壤歌隨處樂年豐。東郊時雨

百里崇墉四面開
朱門曾覩翠華來
秋聲捲海千林肅
晚吹飛塵萬騎迴
瑟瑟黃蘆迷雁泊
蕭蕭紅葉墮鷹臺
吾皇恭儉巡遊少
輦路春深長綠苔

南園秋風

蕭黃門文明出判海定賀正來朝詩以告別因

次其韻

虎豹關嚴隔帝京
蠻荒地僻壯君行
平生肯負當言職
天下應傳敢諫名
落月有時曾入夢
停雲何處不牽情
那堪又作春城別
把酒燒燈坐待明

時元宵日也

易洞為京口丁無咎賦

中書璣之父

鐵甕城西小洞迂碧窓深閒稱吾儒心從天地窮三畫
道向羲文究兩圖點罷尚驚秋露滴讀殘真愛晚風呼
丁寬舊學今誰繼剛見臨池鳳有雛

學士四榮為丘先生仲深賦

史館進書

五夜奎光正燭空君王初御大明宮書從石室編摩後
人在瑤階拜舞中內帑頒來仍進秩宮壺宴罷屢酬功

詞臣制作追班馬得見斯文寵數隆

經筵進講

經幄弘開聖學新
文華東殿更宜春
緋袍肅侍依丹扆
黃案徐移接翠茵
鎬宴載瞻周禮樂
虞謨偏感舜臣隣
詞垣地切遭逢盛
啓沃能忘答帝仁

奉天侍宴

九重春宴擁蓬山
恩露親沾玉殿間
天近南郊方對越
地臨北極重躋攀
三傳載荷君王命
四品俱隨學士班

為慶清時居禁密早瞻喜色動天顏

謹身讀卷

纔開禁鼓已聞鐘內殿深嚴隔九重昨日聖躬親次第
早時賢雋盡登庸藍袍新睹朝儀盛黃榜初頒御墨濃
引領班行催入賀佩聲迢遞下鰲峰

晚晴

雨脚霏微斷復連小窓起坐思悠然猶聞流水長橋外
驚見疎雲落照邊方訝陰晴隨地變更堪寒暑與時遷

星槎咫尺銀河上我欲乘之一問天

偶書

六月八日暑氣微終宵積雨到斜暉
老天翻覆亦如此
舉世炎涼何所譏
但願羣生隨意足
休嗟萬事轉頭非
年時誰種城東柳
早見青青向十圍

二十九日夜祀以病不預枕上用韻一首

虎豹關嚴隔內朝
門官引入暗相招
鼓鍾聲動星初轉
松檜陰連露未消
前導公侯分兩隊
後陪文武肅諸僚

自緣齋祓心如惕卧聽鳴珂散九霄

用篁墩宮諭韻賀樊駙馬大振總禁兵宿衛

星光夜照羽林軍都尉承宣自不羣
九陞崇班依日月兩朝嘉會際風雲
龍蟠鞞鞞千金直鳳擁兜鍪五色文
明日慶成聞錫宴宮花宮醞送微醺

以侍衛不與坐宴別有頒賜云

齋宮候駕次西涯學士韻

銀河如壁護重關翠輦初臨大祀壇
映日牙旗環禁旅連空甲騎擁祠官
風雲已覺爭春麗雨雪先驚入夜寒

禮罷天門重整珮歡騰萬國正迴鑾

是日大雨雪

六月九日西涯壽旦其日生子以詩志喜次韻

賀之

聞道君家喜有餘掌珠光彩動軒除老天自是知人意

此子還能讀父書占夢固應非偶爾

先一月在東閣晝寢夢人送子至至是

果驗故云

試啼聊復問何如醉來却憶山翁語徑作高門待

汝車

絲綸閣下暑雨餘春信忽傳來玉除

時方在東閣得家報云

翁當

紋麟正張宴客喜弄麀爭致書知君於此萬已足愧我而今百不如太丘盛德老愈健會遣長文從後車

西涯尊翁

先生壽七十矣

顯靈陳真人邀賞靜觀亭芍藥至則僅餘白者
三數朶殊覺敗興乃諉之昨來風雨之厄或
者未然乎即席次王世賞太史韻一首

琳宮亭館曲闌東零落全驚昨夜風羽士最宜珠樹白
謫仙難覓錦袍紅依稀玉局懸孤黍縹緲霓裳墮半空

舊日蕪城尤寂寞翻階春色有無中

蜡月晦前三日齊宿禮部有懷館閣諸先生

南宮還似玉堂寒水雪峻層歲向闌松露未零瑤鶴噤
槐雲已老翠虬蟠笑談何地追羣彥獻納非才愧此官
猶有獨眠齋閣夜時時飛夢繞金鑾

和于京兆景瞻金山八詩

帆引春風趁曉晴日華浮動四山明望窮東海雙眸豁
行過中泠一掌平蔬筍且便僧舍樂軒纓頓減宦途情

祇緣正近趨朝路王事匆匆自有程

右春日遊金山時景泰庚午也

自是震瀛第一洲凌虛長日許誰遊須知佛界波心立

絕勝仙槎海上浮留客帆檣三月裏惱人風雨五更頭

四難二美原非易極目江天不盡愁

右重遊金山阻雨不果

乘興思登江上臺天風吹送片帆來青山十里無多地

白浪千層絕點埃樓觀真從雲裏出畫圖疑是鏡中開

何如得謝樊籠去判取吟身混草萊

客船小泊亦多時風雨冥冥有所思新賞已孤三日醉

舊題聊續一聯詩夢中泉石俱空界眼底江山此色絲

夙願可償君莫忘悠悠歲月尚無涯

右擬賦重遊金山

舊遊何處覓行蹤勝會茫然百念空長羨上方歸衲子
好分佳景付詩翁山形拔地真成險海口吞江欲逞雄
儼住窮顛携白鶴不妨見夜月開籠

青山雄鎮大江流四面江聲春復秋已信有人留勝槩
也知無地著閒愁題詩尚憶當年到載酒重期此日遊
艤櫂不堪佳興阻掀空風浪幾時休

右約友人重遊金山阻風不果

青螺臨鏡綰朝烟，白首重登感少年。
訪舊逢僧仍莞爾，賞心對酒已陶然。
呼龜洞口雲垂地，棲鵲峰前水拍天。
為惜勝遊歸去晚，清時未羨獨醒賢。

歲華如逝抵須愁，三十年餘兩度遊。
離合有期諸客在，去來無定此生浮。
寺從兜率巖中鑿，江繞盤陀石畔流。
欲向山僧分半席，驚鷗飛起斷磯頭。

右重遊金山則
成化癸卯矣

送于京兆奏績南還用其留別詩韻

鳴珮來朝自舊京，承恩南下暑風輕。
雲中遠樹連瓜步，

江外危樓繞石城去去檣烏猶在望翩翩竹馬正相迎
漢廷不久徵黃霸記取吟壇此日盟

弘治紀元戊申二月十三日侍從親耕藉田用
程學士韻一首懷不能已復綴短韻一章

南郊晴旭晃鑾儀天路無塵進輦遲京兆青箱依耒耜
教坊花鼓應旌旗明禋早致先農享粒食仍歌后稷詩
聖主重民親稼穡此生何幸際昌期

貔貅萬竈繞城坳禮重親耕指近郊豐稔早占穰穰種

泰和端叶地天爻弄田何足論鉤盾勞燕真看出大庖
詔許三農瞻日表不須前纛擁蒲梢

時有詔庶民終歆
者許拜謁廷下

二十二日奉制命往祀天壽山之神二十五日

禮成而還

香幣遙從曉殿頒小臣承命謁橋山千年王氣蟠龍虎
五夜祠官擁珮環草木潤回新雨後壇壝高出亂雲間
禮成正及瞳矐曙携得天風兩袖還

長陵北上寶山東仄徑縈迴萬壑中鳥道泥新初過雨

虎籠雲暗欲生風
禮嚴牲幣三酬獻
誠協人神一感通
歸路却驚甘澤遍
貧無塵土自春融

壽程詹事母夫人

籬菊堂萱雨露濃
深秋嘉慶喜重逢
孝隆學士三牲養
恩並尚書八座封
酒熟芳筵開玳瑁
香凝畫閣擁芙蓉
青鸞忽報仙桃至
春色紅酣映壽容

除夕有感

流光冉冉歲華窮
不盡煩憂感慨中
千里將家思有託

兩朝叨祿愧無功文章早幸歸詞苑禮樂何能輔秩宗
四十五年如夢裏明朝依舊對東風

謁文惠祠

仙李根危葉漸微乾坤滿眼事全非癡姨自謂能忘世
此老真思為解圍折翼固應心已悟褫魂應遣夢先飛
白雲紅日依然在燈火嚴祠幾夕暉

題鏡川楊先生園亭宴客詩卷

短籬曲徑水之湄面面春光日日宜入座雨香芳草合

開簾風軟落花遲長懷廊廟匡時學猶見園亭宴客詩
宦業自高心自樂平生佳興許誰知

哭同年陸靜逸高儀

仕終太常少卿兼侍讀

聊因多病解朝衣聖主恩深特賜歸屈指方憐經歲別
傷心竟與此生違秋風高塚應臨海春雨空堂自落暉
忽見賢郎增哽咽語闌唯有淚頻揮

去歲始以病解經筵日講而歸未期

歲遽卒與其子爰道之益慟云春雨其所居堂名

贈南京禮部尚書謚恭毅章公大經輓詩

遠佐南銓更秩宗兩朝清宦聖恩同歸來已遂閒居樂

老去猶存直諫風

景泰間上疏乞復
儲位下獄幾死

詔贈新銜傳美謚

史編舊疏表遺忠

時修憲廟實錄有詔令
編舊所上疏於其中

晚生方切通

家誼無限深情感慨中

公與先公同年進士
且同官南京禮部云

宣府朱用輔秀才輓章寄其弟用吉

落日孤雲隔塞垣因君堪恨不堪言寒齋瘦骨那禁病

遠道悲歌更慘魂無復姓名登虎榜空餘涕淚滿鵲原

蕭蕭宿草城西路目斷跑沙十里村

跑沙葬地

謝方石乃叔寶慶太守采藻亭次韻

有會總堂皆在墓所

采采長憐澗有芳是誰沾濕弄淋浪才宜補衮身先退
禮重維筐志不忘百代功總從會合一時伏臘許相將
草池竹徑情何限猶自悽然向曉霜

送呂都憲大器巡撫江南次韻

別時衆以劉宴文襄致望故云

雙旌直下大江東五夜清霜動曉風赤縣正依瞻望表
蒼生全藉撫摩中覆盆鬱抑能無白充庾因陳漸有紅
今代文襄古劉宴臨岐一語已歸公

贈台人王古直次韻

古直復遊京師吳鉞菴庶子贈之以詩因次其韻嘗

於謝方石所聞其醉歌清裂可愛也

旅食京華三十年風流應出杜陵前
重來却喜成詩卷老去何須覓釣船
野鶴不羈非漫爾浮雲無定本悠然
相逢最是聞歌日醉裏渾疑樂在縣

大司馬王公公度輓詩

河隴歸休二十年勲名真羨始終全
孤忠報主今誰及大手摧姦世所賢
功在東南資國計令行西北付兵權

經綸未盡身先老千古高風自凜然

送唐黃門使兩廣

其先有仕廣者遺廟存焉
且得便道還常省毋云

三月都門半落花却看震節送皇華
鳳毛天遠辭青瑣鶴髮春明擁翠珈
遺廟瞻依初過嶺高堂拜舞正還家
壽筵一為歌來諗此樂知君未有涯

送同年梁都憲巡撫四川二首

幾載湖湘政有成重持霜節劔南行
忠臣舊識王尊志廉吏今推趙抃名
望裏雪山從此重到時錦水向人清

稜稜風度臺端栢先見嘉陵老稚迎

分陝初看出帝京隴雲江樹幾馳情還家又作三年別
鎮蜀重驚萬里行從古賢勞多注倚祇今離合太交并
丈夫事業相期遠休問陽關第幾聲

宿大勝寺敬次壁間詩韻

薄暮風濤正滿林禪房真慰入幽深迎門老衲知人意
懸壁華箋感客心誰信百年存舊跡獨憐三歎有遺音
人生會晤元非偶又復斯文此盍簪

三月九日聖駕幸學先是阻雨改卜適際晴和
侍從觀禮喜而有作

聖主崇文幸辟雍駿奔百職訝雲從方驚風雨終宵靜
自慶衣冠此日逢詔下青衿增感激禮成黃幄倍從容
談經却羨師儒地獻納能忘答九重

雨餘春意滿賢關咫尺天臨侍從班曠典正逢三月裏
清光近仰一堂間新加牲幣過唐宋遠紹雲仍及孟顏
十里旌旄紅日擁鑾輿徐馭六龍還

三月十二日肇開經筵岳以翰林舊僚叨侍講讀
荐蒙燕賚感而有作

講殿春開第一筵師臣敷對更精專龍飛五位文明盛
鵠立羣工禮度虔早奉王言頒玉勅初聞帝典啓瑤編
非才素愧匡時學重荷恩休倍悚然

載瞻經幄侍文華天語親聆寵數加燕錫大官當禁闥
恩頒內帑到儒家逢時有幸應知感稽古無功詎足誇
誓竭涓埃裨海嶽祇今文運正亨嘉

歲暮祫祭大禮肇行駿奔之餘喜而有作

天晴除日凍初銷聖主乘春下九霄
合祀始崇周典禮分班仍集漢官寮
寢宮簾影依龍袞輦路鑾音協鳳韶
至孝竄超千古上遺經曾見紀宗堯

廷試供事次屠都憲朝宗韻二首

聖主臨軒第一春諸生數對意俱新
風雲早際明時會民物同歸大造仁

時制策以西銘
民胞物與為問

却羨俊髦高擢第端

期忠孝重書紳非才沾被今三度分得恩波下紫宸

羣公同挹廟堂春多士均沾雨露新明日藍袍承帝命
一時丹悃答皇仁騰懽早見傳衢路稱賀還期擁佩紳
華蓋天高瞻淡墨遙聽宮漏候嚴宸

大司馬馬公廷試志喜有作次韻二首

董賈賢良初獻策唐虞敷納正求才一言共喜龍顏合
五位遙瞻雉尾開奎壁光芒動霄漢衣冠遭際極公台
茹茅已協乾坤泰願上君王萬壽杯

南宮喜占非常選東觀期收不世才忽報彩雲隨日上

却驚黃榜自天開恩榮便擬霑需宴官達終看列鼎台
一路春風桃李外大官催賜曲江盃

十二月朔旦聖駕視牲南郊先是風寒特甚至
日天日晴和遠邇忻戴大司馬馬公詩以志
喜遂次其韻成二章云

昨日風寒今日晴天知聖主視郊牲鮮飈不動旌旗影
協氣潛諧鼓吹聲入臘便驚春意早向陽仍愛暖雲輕
太平有象人心悅昭格惟應在一誠

深冬風雪轉新晴車駕親臨大祀牲節近土牛春有信
令嚴鐵騎夜無聲龍樓日射金鋪麗鳳燾雲移翠羽輕
須信格天非異術吾皇端拱久存誠

青谿漫稿卷七

欽定四庫全書

青谿漫稿卷八

明倪岳撰

七言律詩

癸丑春闈忝知貢舉試事將畢寄柬李陸二學士

翼翼重門晝不開
兩簾懸隔斷嫌猜
珠璣照夜寧非寶
桃李經春總是材
奉詔每期精簡拔
論文真欲細敲推

生知不足齋叢書
卷八
薦賢報主吾儒事得見英髦袞袞來

默默春宵坐不眠心期為國重求賢人間盛事寧過此
天上文光亦爛然瑞世鳳麟須在網應時奎壁正當躔
聖明臨御真儒出永弼皇圖億萬年

廷試執事和馬司馬吳狀元韻

龍馭臨軒紫殿高鵷行彙進總英髦玉音飛墜先承寵
丹悃敷陳肯憚勞映日瑞雲方似綺濟時甘雨定如膏
遭逢共仰今堯舜報塞寧忘後禹臯

魏魏阿閣帝城陰
爭聽雖鳳鳥音
聖主載頒咨治策
羣公文盡薦賢心
平生忠孝相期遠
一代經綸屬望深
明日天門初放榜
姓名從此重如金

六月二十九日拜命進位尚書適與體齋傅先生
年兄同升比承詩示次韻奉復兼東西涯
學士

紫宸朝下聽鳴鑾
鳳詔徐頒遠近看
並命恩隆良可慶
同年志合更相安
禮曹重叙新僚友
經幄原隨舊講官

獨有故人情不忘幾番回首五雲端

甲寅正月四日受誓戒恭陪廟祀和李學士西

涯韻

春祠將事廟街東郊戒先聞出帝宮大禮疊行當此日
羣工一德對休風仍於尊俎停酬酢應向天人見感通
試看城南新雪盡無塵輦道往來中

時以方始郊齋詔罷飲福受胙之禮

丁巳正月郊祀齋居和鄭廷綱少司徒二首

長憶郊齋傍紫垣禁城春色正氛氲龍輿欲下千官肅

鳳雛徐移萬騎奔銀漢雲收微有影瑤臺月轉淡無痕
留都散局今叨竊不及嚴趨向帝閭

奉引長時下掖垣御街瑞靄自氤氲六師環衛看如翼
萬姓遙瞻喜欲

以下闕

東莊行樂

東莊小隔渝水東縈紆仄徑遙相通春雨初過亂松碧
曉日欲上浮雲紅耕餘閒步引孤鶴睡起行吟攜短筇

回首蕭然忽陳迹長林瑟瑟生悲風

送蕭文明僉事致仕號海釣

拜表來朝便拂衣關山如故決然歸諫垣忠鯁驚先擢
宦路炎蒸喜暫違白首無機鷗鳥狎青雲有繼鳳雛飛
袖中為惜經綸在海上聊尋舊釣磯

戶部李尚書輓詩

有紫雲書院

早從藩岳陟都臺司馬仍推佐武才地卜紫雲思獨往
詔承丹鳳見重來功如劉宴存南國位比張華歷上台

德業總看青史在蒼生懷惠不勝哀

幾載班行接令儀雄才真足輔明時任隆八座經綸地
恩荷三朝際遇時奏計頻繁傳卹典發潛輝赫著豐碑
迢迢欲致生芻意極目嵩高有所思

和傅體齋李西涯二年兄屏風燈詩韻兼致謝
意

小屏燈燭夜熒煌錦帳圍春在一堂剪刻無痕渾類織
品題有幸復成章寄來迢遞三千里粧就分明十二方

但擬長年供雅玩肯辭奕世為深藏

雲錦分張自一機座中人訝眼中稀風前仙侶開珠幌
月裏嬋娥按羽衣畫比白練元異品詩於金雀可同歸
開緘急為燃藜讀從此蓬門爛有輝

奉次屠都憲韻賀塋墩學士領教翰林兼東西

涯學士二首

巍巍聖德仰如天學士承恩重養賢虎榜舊名金作字
鳳樓新製玉為楹道根伊洛從今盛教本蘇湖自古傳

二妙正當天下選最宜霄漢領群仙

桃李春風二月天栽培深倚濟時賢講筵密勿逾三接
大厦優容必萬椽一代文章從指授兩行衿佩望心傳
業成不日看高步同是鰲峯頂上仙

題衍聖公東莊卷

郡城西接泮池頭別墅新成望野樓登罷有山還小魯
遷餘無地可存周牕迎曉日人初起座擁春風客自留
不獨課農知稼穡浴沂歸詠亦優游

會賀五宮保于部堂用屠都憲韻

霄漢人瞻五鳳來東堂今始為公開絲綸烜赫先同拜
簪紱從容此共陪豈樂任傾千日醞光儀如接九英梅
斯文盛會元非偶一醉何妨踏月回

題瘦竹卷

骨立稜稜玉一枝玉河人自渭川移休文閒賦郊居日
子美孤吟飯顆時饒守雖貧還易得俗夫非病亦難醫
首陽絕粒于今遠猶似癯然力不支

乙卯郊祀分獻北海禮成有作

北海分祠曲徑西
瑤壇第一費攀躋
天中星斗應相近
宇內山川孰可齊
已信朝宗歸潏沔
還期流潤徧町畦
禮成欲獻祈年頌
擬候重城報曉雞

送九江潘同知赴任

工部郎中傑之子二親在堂

水部潘翁老聖朝
却看雛鳳起冲霄
一官高占人中選
二守尊居郡上僚
地接江東民最樸
水通湖口路非遙
榮親志遂堪迎養
百斛方舟穩趁潮

盆梅一本二榦開紅白花

雙榦分開二色花孤山晴雪絢朝霞有奇有偶自人作
為李為桃從客誇亞父鴻門撞玉斗葛翁勾漏鍊丹砂
移根換骨非難事兩種元來是一家

謝餞行諸門生二首

以下皆南行

五月八日癸卯京闈所取士之仕于京者若
給事中于瑁屈伸御史張綸張天衢郭鏞戶
部歐信錢敬張舉張定鄭洪刑部熊祥周東

光祿趙璠方壘中書李榮郭鼎行人王雄南
京刑部張贊進士張或翁玉聶瑄何俊合二
十二人會餞于城東茶菴之新祠因賦二詩
以謝且致望焉

長憶京闈拔俊英
喜看先後步雲程
求賢報主應無愧
列職分曹更有名
總謂鳳麟呈世瑞
豈殊桃李擅春榮
臨期一語仍相勉
永竭忠貞答聖明

叨典南銓荷帝宣
一帆初上潞河船
方驚遠道三千里

却憶高科十五年雲路蜚騰元濟濟天涯離合正懸懸
青尊綠酒城東館無限深情對別筵

寄阜弟

惆悵鵲原話別難河西風雨曉猶寒扁舟欲發仍留纜
疋馬將行屢據鞍客邸有懷惟夢遠征途無恙且心寬
平生家學君須記祇把清忠守一官

道傍柳樹多為風雨所拔橫仆水濱無復理者
見之憮然

隄柳何因厄閏年坐驚摧折動逾千空憐翠色猶橫水
不見清陰可拂天自昔冰霜非爾耐于今風雨為誰顛
前人久費栽培力可向樵蘇惜棄捐

直沽道中有感

暑雨南行已見霜扁舟來往為人忙河流渺渺今俱淺
柳色青青忽漸黃有幸尚看冰未合無眠真覺夜偏長
宦途風味渾如此却笑今年始備嘗

承西涯閣老以銅雀硯見惠且謂驗其真贋舟

中試筆知為故物無疑乃用前所贈韻復成
二首以寄

銅雀臺高倚鄴城欲從歌舞樂餘生侵吳兵老終先破
禪漢謀深卒未行物古人憐陳迹在基危天遣霸圖傾
千年瓦礫漳河底太息空勞用力成

一橐蕭然出鳳城硯磚分惠眼猶生當年可為笙歌溷
此日聊隨楮墨行藻飾如存新製改波頽不復舊臺傾
明窓淨几閒揮拂弔古文從感慨成

途中復見新月有感

隄柳經霜葉半凋客途風景夜蕭條不堪亂折驚孤枕
擬借輕帆送短橈玉宇高寒心豈遠金陵佳麗夢還遙
推篷見月增離思可信深閨共此宵

雨後過甲馬營時陰雲未解南風方急云

細雨輕雲不放晴南風應阻客孤征秋高槐柳隨霜落
水逆魚龍鼓浪行厭聽舟人吹野調喜從津吏問郵程
帝京回首逾千里今日方經甲馬營

過濟寧有作

孤城忽見濟寧州今日重驚得順流飄泊未須論斷梗
別離何許謝行舟醉鄉方憶金龜酒月夜仍懷紫綺裘
一曲棹歌天已暮憑誰喚起謫仙遊

至淮安候李都憲不至詩以寄意

畫舸乘風夜渡淮孤吟聊遣客中懷行臺玉節應難候
賓館金尊不易偕愧我匆匆還故里看君袞袞歷崇階
須知國計通融地天上恩波想未涯

十月既望又二日夜渡寶應諸湖適謝水部中

流見訪

湖光晃漾水波平夜半舟人靜不驚霜旆近於天上轉
風帆遙向月中行一泓清淺魚龍隱兩岸空寒鶴鶴鳴
猶勝坡翁雪堂夢相逢有客未知名

龍潭驛小憩

背負層巒面俯江水光山色動軒窗遷移自昔知逾幾
建置如今信少雙岸近也應便北渡地雄端可殿南邦

遙思來往皇華節能賦何人筆似扛

觀燈有作

鍾阜山高王氣增元宵景象稱豐登萬家門巷銀河繞
九陌樓臺火樹層天上鳳韶乘月動人間鰲駕遶雲騰
舊遊何許今如夢二十年前記所曾

宗家燈火帝城西閩海親勞客遠攜五色雲霞籠薄霧
兩輪日月貫晴霓魚龍照眼春猶蟄燕雀迎人夜不棲
一笑相逢成四美興來聊與醉分題

是夕宗人彥和家
賞鎮東燈

遊牛首山將至佛窟寺有作

野寺尋僧客到稀
馬頭時見小蟲飛
十分深處初聞磬
百尺高臺好振衣
山聳兩尖牛礪角
江橫匹練鳳停機
欲窮往牒探奇勝
千載稱雄拱帝畿

不及登兜率巖因寄同遊諸公

兜率巖高紫翠層
酒酣無力倦重登
探奇騁望君方始
涉險留題我已曾
弔古謾尋前代寺
逢人頻問舊時僧
山林城市俱成幻
千劫維摩總浪稱

和梁少牢韻

上元春滿鳳凰城，爭似山居况味清。
一徑欲迷行處險，羣峯如伏望中平。
未論竹院逢僧話，且愛松窓聽鳥聲。
却笑諸公總吟癖，驚人佳句一時成。

和鄭司徒韻

山繞春城水繞谿，暖烟如抹樹如迷。
虛疑古塔凌空小，最愛長松出磴齊。
晴色撲簾知日近，輕陰過檻覺雲低。
老僧方丈清如許，不見危梁落燕泥。

和董宗伯韻

牛頭山在帝城西古道登登去不迷
挺秀總看松作徑憑虛全藉石為梯
休驚白日淹駒隙且勝紅塵沒馬蹄
指點六朝遺跡遠欲從何處問梁齊

寄傅體齋

鴻雁南來不見書故人天上遂忘予
雷陳膠漆知何似韓孟雲龍恐未疎
猶憶三同存舊卷方憐一榻寄新居
皇恩如海容樗散自幸優閒已歲餘

趙淮江東轉運判官死于賊二妾綵雲翠蓮抱
焚尸于缶投水死因附于祠

轉運江東更典兵矢心不與賊俱生絕憐雙節從夫志
無愧孤忠抱主名雲散任教風力勁蓮枯終見水波平
須知抱缶沉身意合葬深淵見此情

醉後重題王亭一首

拂石從容認舊題王亭幽迥鳳常棲雨餘最愛青如洗
烟暝渾疑翠欲齊倚醉儘堪留筆札乘閒還可駐輪蹄

瀛洲不隔三山路明日重來酒賸攜

郊祀分獻星辰二壇有作

西列瑤階第二班
縈星壇迥費躋攀
心通盱眙三台上
耳接聲歌九奏間
象緯漸看天外轉
璣儀仍候月中還
禮成總慰繁禧集
喜動臣工仰聖顏

奉次西涯閣老分獻韻

禮重南郊聳萬方
縈壇清切紫微傍
銀河影隔珠簾影
璧月光分寶炬光
已擬年登歌大有
却看春早報殊祥

五星順軌天心協昭假精誠仰聖王

慶成宴再用前韻

縹緲韶鈞動尚方羣工分候紫微傍伶官舞戲魚龍隊
力士班聯劍佩光氣協乾坤知應感瑞呈麟鳳待呈祥
擬從既醉歌周雅萬國承恩奉一王

十年叨侍殿中班坐候羣公幸始攀八佾舞傳千古上
九歌聲落五雲間早看鳳歷頒春罷徐候龍輿捧日還
天語親承三賜爵恩沾夷夏總懽顏

七言長律

承李士常進士以所和與李賓之內翰潘時用
秀才冬夜聯句之作見示用韻以答

風度書帷月度窓蕭然相對倒秋缸寒聲屢報重城柝
孤影頻搖客舍缸共惜離懷傷舊約却聯長句托新腔
潘郎遠裔騷人一蒙叟諸甥國士雙久向文名知俊逸
更於交誼見淳龐情如元酒真堪酌音出黃鐘不在撞
總慰詩壇傳檄定自驚敵壘豎旗降錦囊遺學寧慚賀

綵筆雄才豈亞江量隘五湖憐浩渺口翻三峽訝瑤淙
好殫儒術裨元化聖主隆文理萬邦

昨者候問嘗以不作詩奉戒歸途欲聯數語馳
上未果也明日使來復辱和章豈謬言不足
信耶抑興到落筆自不為勞耳輒復借韻一
首以終致鄙意


先生晏卧讀書窓孤負新醅發舊缸寒極不禁揮健筆
夜深猶為擁清釭聊將卷帙銷餘悶却任歌詞疊故腔

藥裏欲勞丹竈一詩筒空報玉盤雙心旌漾漾還增劇
愁緒紛紛亦轉龐最愛虛簷明月上慣聞高閣暮鐘撞
長時病榻憑誰遣今日詩壇擬自降瘦骨祇憐頭戴笠
渴懷終慰夢吞江氣鍾嶽麓山靈悶派出長沙水勢淙
一代才華煩鄭重少年功業在經邦

送致仕袁太守士瑩訪舊南歸

結屋深依鐵甕城可堪鄉思忽然生逢人便與留詩別
為客何妨載酒行薊北交遊仍在望淮南父老正相迎

永懷五馬聲華遠，爭羨孤鴻羽翼輕。
六月長途真耐暑，七旬暮景豈干名。
久知宦味如雲薄，却笑吟身似鶴清。
白日到門淹杖屨，清風滿座倒瓶罍。
猶驚明發還分手，四十年來故舊情。



青谿漫稿卷八